

ցանն ունա և ոմանք 'ի վարդապետաց , և նորա եկեալ դա-
դարեաց զաղմուկն , և նստաւ անդ ամս 3 և ամիսս 6 . և
ապա առաքեցաւ 'ի Նուիրակ յԵւդոկիա , ուր կատարեալ
զպաշտօն իւր՝ դարձաւ անտի բարութեամբ եւ եհաս 'ի
քաղաքն Ատանայ , ուր լուաւ զմահ թէոքորոս Պատրի-
արքի , եւ զկտակ նորին վասն իւր . ընդ որ հաւանեալ
միաբանաց գրեցին հանրագիր բազմակնիք 'ի Կոստանդի-
նուպօլիս : Յակոբ Պատրիարք և Իշխանաւորք ազգին հա-
նին զՊատրիարքական Պէրաթ նորին , և ինքն Կարապետ
Յակոբիպոս եհաս յԵրուսաղէմ՝ զկնի Զատիկին , նոյնպէս
և նամականիք 'ի կայսերանիստ քաղաքէ 'ի ձեռն թղթա-
տարի , եւ նստաւ Կարապետ յԱթու Պատրիարքութեան
Երուսաղէմի . զայսոսիկ քաղեցաք 'ի կենսագրութենէ՝ նո-
րին՝ զոր ինքն գրեալ է :

Սահակ Կաթուղիկոս Էջմիածնի՝ ահագն կոչեցեալ ,
անկեալ յԻշխանութենէ Կաթուղիկոսութեան նստէր 'ի
Կարին , ուր վախճանեցաւ իսկ (1763 . 'ի 22 Փետրվարի) :
Իսկ Յակոբ Պատրիարք հանեալ գիր արքունուստ առա-
քեաց անդ զՍարգիս վարդապետ իւր բերել առ ինքն
զստացուածս նորին : Եւ 'ի մեռանիլ մեծի Վէզիրին՝ էանց
'ի տեղի նորա Նիշանձի Համզա Փաշա , որոյ եղեն վաճա-
ռապետք յազգէն Հայոց ճանապղեան Յարութիւն , Սա-
գայեան Մարտիրոս , և այլ ոմն Սարգիս անուն : Եւ վաճա-
ռապետք առաջնոյ Վէզիրին , Պօղոս , Ղազար եւ Ասլան
Ամիրայք ըմբռնեալ եղան 'ի բանտի՝ եւ մատնեցան 'ի
գանս և 'ի տանջանս . գրաւեցան ինչք և ստացուածք նո-
ցին յարքունիս , և 'ի վերջոյ Ղազար Ամիրայ կախեցաւ
զիւրապէ , և երկօքեանն ազատեցան 'ի բանտէ (1763 . 'ի
25 Մայիսի) :

Յաւուրս Պատրիարքութեան Կարապետի , յարեան ո-
մանք յազգականաց վախճանեալ միաբանաց Ս . Յակոբայ
և պահանջէին զժառանգութիւնն նոցա , որպէս գրէ փո-
խանորդ Գրիգոր վարդապետն 'ի Կոստանդինուպօլսոյ :
Իսկ Կարապետ Պատրիարք գրեաց առ նա պատասխանի
երկար բանիւք , յորում ձեռն արկեալ կնքեցին ամենայն
միաբանք վանաց . զի խնամ կալցի ընդ Պատրիարքին եւ
ընդ զլիսաւորս ազգին , խափանել զայդպիսի սնտոի և վը-